

Isia Bunun Tuza Makungulus Ispasnanava Tu Kainikuza'an

Qabasang ata Bunun uka'anang sinpapas, nitu maqtu makusia paitasan tu pinanatas mapala imita anak'anak mamantuk tu iniqumisan. Aupa tutuza tu maaq a maimadadaingaza uka'an i paitasan.

Haiza mailantangus pistataqu tupa tu, maaq dau ka bunun siduq a hinaiza patasan. pihaanun dau intaa batu mapatas, qatulun ilumag madainpus. sia dau dadusa tais'aan pasaipukun i batu patasana. Minsuma qan dau ka danum daingaz a, tis'uni tu masauqbung a batu, nii ka dadusa tas'aana a maqtu tisuknu mama musbai, sutnu dau ka imita Bunun siduq tu patasana ihaan danum daingaz ta. Paiska'itaa'in a Bbunun siduq makungulus mapasna ki inaita lainiqaiban tu iniqumisan. Aupa munhavin a patasan batua.

Maaq dau ka makusia ngulus pakisniap lainiqaiban tu qansiapi a, sintupa tu, makusia ngulus i bunun mapistaqu ki anak'anak tu taiklas siin kaqainsaipan. Maaq a sinbabaz una, isngungunu ihaan inaita tu malankikinuz. Maaq dau ka na isngunu tu uvavaz'az tu qalinga a, sia ki istusasaus, islulus'an, sindailaz tu samu siin lainiqaiban anak'anak tu siduq. Maaq mita Bunun tu ispala rtu qalinga a, haiza a pali'uni ki inpakalivaan tu sinkuzakuzan - Manaq vali, Malaqtainga. Haiza ka pali'uni

islulus'an - lus'an munququma, lus'an mapasisiza bunun, lus'an masiqaulus i uvavaz'az, lus'an maqaltum ki minudaanin tu tais'aan. Haiza ka isia uvavaz'az tu sintusasaus, haiza itu madaingaz tu istusasaus, maaq a mamangan bununa malastapang. Haiza amin vaivivaivi tu sinbabazbaz; isia qaqanup bunun tu isbabazbaz, isia matihahaul bunun tu isbabazbaz, isia tanqapu lulus'an tu sinbabazbaz, isia ispasisiza bunun tu isbabazbaz, nii amin tu mamaszang.

Ihaan pun mapusan saba qamisan, maaq a Tai'uan ti tu Tanqapu Sasbinaz pakisniapin imita Bunun tu ispapas, paiskatudiipin ata Bunun haiza'an i maku'uni "Luma sinpatas" tu patasan. Laupakadau a madiain a maqaqansiap mapatas i malasBnun, kitngaain Malka imita anak'anak tu patasan ti. Minhaizin amin a patasan, haizin a qalinga pala'un ihaan tinau kunbu. Haizin amin ihaan pasnanava'an masnanava ki malasBunun. Haizin amin a bunun siduq tu ispatanam patasan. Imita aipi Bunun mastaan kapanundaingaz tu sinkuzakuza.

布農族的口傳文學

以前，布農族還沒有任何文字出現，我們的祖先就利用口說來完成，是民間文學的主流方式，其內可以容包含詩歌、故事等等。布農族文字的發展很晚，許多寶貴的經驗在發展過程中被遺忘，這是口傳族群中最令人遺憾的事。布農族的口傳文學，以神話故事和傳統歌謠最棒。

當然禁忌、贊功宴、喝酒文化、織布、雕刻、草藥、祭祀、農事等等，仍需要做更多的發掘、探討、編輯和回顧。把千百年來的布農族的生命智慧、記憶，設法保存下來。